


嘉靖常德府志

地 2701209
1275
部 33



常德府志卷之十



學生鄭登勳

祠祀志

國之大事在祀古者重祀神以治民弗諂弗褻幽明一而已矣記曰非其所祭而祭之名曰淫祀淫祀無福楚俗尚鬼前代建立祠宇為多而稱號封爵尤濫我

聖祖滌千古之陋正名分削濫爵祀典秩然所以為生民立命者大矣茲舉境內應祀典者謹書之文廟列

常德府志

卷十

乙

諸學校非群祀比若夫君子衣冠之藏亦禮所不可遺也作祠祀志

壇壝

國朝之制郡縣為壇三一以祀社稷一以祠風雲雷雨山川城隍其一則祀境內之屬社稷壇必於城西者以西為陰之成也山川壇必於城南者以南為陽之極也祀屬於城北者以北為陰之極也社稷之祀以其能生五穀也山川之

祀以其能潤萬物而財用所自出皆所以為民也若夫厲之有祀則以鬼無所依或能為害亦為徃而非為民也哉然則主是祭者其可不竭誠敬以為事神之本乎

本府 武陵縣附

社稷壇

府西門外二里洪武二年知府張子俊創砌壇基如制建神厨神庫宰牲房各三間神主以面北為尊闢大門於壇東繚以周垣節加修葺正德四年移遷於

常德府志

卷十

二

榮府王城內稱 國社之神 國稷之神

山川壇

府東門外二里舊同社稷壇洪武二年改遷建置俱同社壇正德四年移遷於

榮府王城內風雲雷雨仍舊惟山川改稱曰 榮國山川之神 榮國城隍之神二壇初祭於府以春

秋二仲上戊巳二日封建後祭主於 榮府通用
戊日樂用編磬舞用六佾社稷牲用豕二羊二鹿
一山川牲用豕三羊三鹿一共為籩二十豆二十
簠簋十爵十五篚四

郡屬壇

府北三里黃華橋畔洪武二年知府張子俊建正
德二年以城南之養濟院併入是壇知府陳希文
知縣應能相繼建廳五間及左右廂房各三間

常德府志

卷十

三

桃源縣

社稷壇

縣西三里

山川壇

縣東二里

邑屬壇

縣北二里

龍陽縣

社稷壇

縣西一里洪武初知州段旻建成化間知縣周泰重修

山川壇

縣南一里龍潭門外

邑屬壇

縣北洪武初知州段旻建於城東北成化十四年知縣周泰遷今處

常德府志

卷十

四

沅江縣

社稷壇

縣東舊在縣北半里嘉靖十四年知縣鄭珊遷建今處

山川壇

縣東半里

邑屬壇

景星寺畔舊在縣北一里其各鄉屬土穀壇隨里

多寡設之創建無考嘉靖十四年知縣鄭珊遷建
今處

祠廟

廟祀之神或有功於土或有惠於民或餘風偉
範有裨於俗昔人皆廟祀之蓋廟之為言貌也
入其廟如見其人焉壇祀則鬼神之矣祭統以
為廟親而壇遠是也郡邑正祀之外復有為衆
心所嚮慕於道亦不至於背而馳者悉存之禮

也

本府 武陵縣附

城隍廟

府治東一里洪武二年知府張子俊建正堂五間
穿堂二間後堂三間東西廊房六間大門三間成
化間知府楊宣修葺正德十四年管工內官李文
重修嘉靖六年知府方仕復修愚按城隍古不載
祀典後代以為高城深池捍外衛內其英靈之氣

或炳而為神不可以無祀其祀與社稷山川同義
世人不察其理徃徃以人道處之而目冠裳侈加
封號惑之甚矣

國朝改曰本府城隍之神棊州縣城隍之神與風雲雷
雨山川並壇而祭其義甚正

名宦鄉賢祠

舊在學東嘉靖八年知府方仕遷建於滌牲池畔
十四年知縣鍾鑾改遷於儒學後大街為堂三間

常德府志

卷十

六

大門一間祀名宦八人漢伏波將軍馬援武陵守
應奉唐朗州刺史溫造元達魯花赤總管哈珊

明知府應履平朱縉王績馮傑鄉賢八人虞處士
善卷宋白雲處士管師復編修丁易東

明贈左布政使馮貴湖州通判翟霖重慶知府文
澍贈通議大夫京武學訓導陳諱良監察御史陳
策俱經撫按官批允乃祀

善卷祠

善德山上有善卷古壇并讀書臺

二妃廟

府治西妃即屈原九歌中湘君湘夫人今廢

屈平祠

府東二里祠久廢址尚存今改祀於三賢祠

伏波廟

府城南江潯伏波將軍馬援征五溪蠻有功因祀之俗稱馬王廟久廢址存今改祀三賢祠

陽山廟

舊志漢時郡人建以祀陽山之神以征南將軍梁松配享本在府城東北三十里陽山之巔後因展祭不便又建行祠於府治東北隅每年十月致祭止稱祀松而不及陽山失祀典之本意矣矧考史傳松亦無功德於茲土且為讒說以傾正人不應祭法明矣府儒學訓導王儼作辯議二通具呈本府但行之已久尚俟當道君子正之

四忠祠

府學泮宮坊前嘉靖十七年建以祀楚大夫屈原漢將軍馬援宋前武陵尉唐介湖北制置使岳飛初修郡志洪謨謂儼曰屈原伏波二祠禮宜俱復唐岳二公亦流芳茲郡曷圖諸儼乃具疏率諸生上之於府知府陸瑋毅然為之擇前隙地構祠堂三間翼以廂房前為大門後為曠感堂三間

關公廟

常德府志

射
卷十

八

府治西北三國時羽仗義歸蜀安集南郡故郡人祀之

張公廟

新街口東相傳以祀張巡今考巡未仕楚又云祀張渤渤龍陽人未有功於茲土考之三國志劉先主命張飛取金旋於武陵疑所祀者即飛也

袁烈士祠

善濟山上祀唐人袁映有關邪崇正之功

忠佑廟

府境內祀宋刺史程昌寓有弭盜安民之功今廢
英佑侯廟

有二一東門外一清泥灣皆先年商民建之以祀
蕭晏二神蕭名天任晏名成仔俱江西臨江人生
有異相沒後著靈於江湖間蕭累封為水府靈通
英佑侯晏為平浪侯

張虛白祠

常德府志

卷十

九

玄妙觀後今廢僅遺斷碑其字亦浸滅不可讀

五顯廟

縣學後

天王堂

清平門內

桃源縣

城隍廟

縣東一里

名宦鄉賢祠

伏波將軍廟

常德府志

射
卷十

十

縣南三里嘉靖十年知縣汪洋重修

關公廟

縣東二里

東嶽廟

縣東一里

龍陽縣

城隍廟

縣東宣德二年知縣韓瑄建嘉靖十年知縣黃豫

重修

名宦鄉賢祠

學西畔嘉靖十五年知縣薛炳創建為堂三間大門一間祀名宦八人宋龍陽令呂午元龍陽督戎總管薛以禮常德府總管前龍陽知州苗益明龍陽尉青文勝知縣李恭周恭黃珂教諭顧璠鄉賢八人晉孝義邵營興茂才龔玄之宋徵士周德元編修丁易東

常德府志

卷十

十一

明左布政使胥必彰太僕寺丞史燦衛知事楊昇封吏部主事前教授李思文洪謨為之記

張大帝廟

縣南一里祀漢張渤渤字伯奇本縣人生而神異長而奇偉後有功茲土故邑人祀之又有廟在直

隸廣德州

潘將軍廟

縣西半里祀吳將軍潘濬濬嘗駐軍是邑有功於

民有司歲時致祭

忠惠祠

縣東二百步祀本縣典史青文勝洪武間文勝嘗上疏捐軀以免租有惠於民成化十一年知縣周恭建祠祀之正德三年巡按御史翁理以祠地狹隘重給存留倉空地以益其祠知縣韓光表建立正堂三間大門一間嘉靖八年知縣黃豫重修副使張鯤題其額曰青龍陽忠惠祠

洪沾水神廟

縣東一百八十里洞庭湖西洪沾洲上里人相傳云祀漢柳毅廟側亦有柳毅井凡舟楫往來過湖者輒乞靈焉

仙翁祠

縣南六十里金牛山上

沅江縣

城隍廟

縣東百步

蠡山廟

蠡山上相傳唐光宅間建以祀越相范蠡

湖西廟

縣西岸大悲寺遺址改建以祀水神

丘墓

耒人以杜少陵虛塚猶加俎豆况君子體魄之所藏者乎自墓大夫之職廢而封識之典樵牧之禁踈矣吾郡歷古迄今亦夥矣獨志是者貴貴賢賢之義寓焉噫今之視昔亦猶後之視今也其可忽諸

本府 武陵縣附

榮懷穆世子墓 府北三十里陽山東

福寧王墓 府北三十里

徵士龔玄之墓 府南

編修丁易東墓 府東郭三里黃龍陂上今為義阡

布政使馮貴墓 府東十五里長樂村

鹽運使鄧崙墓 府西郭三里御史趙忠銘其墓曰

材不小用志決魏科所志既遂所在匪他曰有言

責言無不盡為國為民匪利則病曰有官守鹽權

是司惟均惟平公私賴之大用在茲而不少違命

常德府志

射 卷十

十四

也柰何垂休千載

參議馮維墓 府北七里橋之右大學士商文毅公

銘其墓曰

贈兵部右侍郎陳 墓諱鏞 府北七里高坪贈淑人

孫氏祔吏部尚書湛甘泉若水題其神道碑銘曰

地承天施萬物資也陽倡陰隨家道宜也官理之

移內化基也魚翼之規孫謀貽也勒文墓碑永為

後人之稽

御史劉璟墓 府西郭五里南湖村尚書黎文僖公
淳銘其墓曰武陵有劉寔惟舊姓公發其祥聿昭
餘慶承流宣化金榜有榮遂陟憲臺入佐 帝庭
金斧繡衣肅中巡外激濁揚清紀綱攸在褒封鼎
來曷不少延德豈爽福命則使然公何憾哉榮哀
生死公所遺憾白頭延佇天地有盡此心無盡誅
行梁山以永孝忠嗟爾後賢鑒我言之公

常德府志

謝卷十

十五

知府楊維墓

御史陳策墓

府北三十里陽山側孺人黃氏祔

封徵仕郎禮科給事中楊瞻之墓 府北三十里長

坡山大學士靳

公貴銘其墓曰維外之樸維

中之通弗鴻厥施乃貽後崇倚嗟斯人厚積報豐
封孺人陳氏祔大學士李文正公東陽銘其墓曰
庸德之德德乃可久惟德之久可以不朽內則之
則雖美弗彰匪子之揚之母儀其亡乎

贈通議大夫兵部右侍郎陳

墓

府東北二十

五里長坡山少師西涯李文正公東陽銘其墓曰

身自為教由家迨官官所教士亦惟子然惟古有

教刑則弼之身弗及為子則述之于其所教還以

為報曷其贈之以勵為孝封淑人王氏祔墓之左

布政使蔡潮銘曰孰云世降內則非古繫茲淑人

動合懿矩婉婉令德無忝爾祖父瞻彼長坡埋玉

其所 龍光昭晰疇宜叅伍諒身後之褒崇未可

常德府志

射 卷十

十六

以遽教是謂滋德食報受天之祐

長史龍琰墓

府西二十里唐家港左侍郎陳洪謨

銘其墓曰學繇師傳名隨宦著瑋試花封乃陟星

署華貫弗居匪才之故身誦而信志也斯副十有

六年長沙之傳全而歸焉福也斯具東流之墟風

氣攸聚惟千百齡惟茲藏之固

參將夏仕麒墓

府北十里穿紫橋

桃源

知府文澍墓

府西三十里武山側尚書王陽明守

仁題其墓曰人也朴而理直而虛篤學審問比耄而不衰吾聞其蒞官矣執而恕惠而節其張叔之儔歟吾聞其居鄉矣勵行飭已不言而俗化其太丘之儔歟嗚呼於今時為難得也矣恭人杭氏祔墓之左左侍郎陳洪謨銘曰配難惟賢賢難惟繼于茲得人家理可計憲憲令母歸文乃遲儉以相庶勤以廣慈為未亡人幾於二紀既有壽考亦多

常德府志

射
卷十

十七

孫子武溪之原有封若堂啓而藏焉其千百年之祥

知府李顯墓

縣西北八十里眉壽山給事中李徵

銘其墓曰泓于積久于蓄胡施之方殷而歛之速古亦有言知止不殆知足不辱豈其夙慕斯人之濁奕奕崇丘眉山之麓生無愧容沒其瞑目不朽者德不誣者福訖有遺芳昌爾后服

龍陽

典史青文勝墓 縣西二十里楊家冲

副使胥必彰墓

知府周鳳墓

知州彭恭墓

評事薛俊墓

封郎中李思文墓

常德府志

卷十

六

義阡附